



Adresa: **Ul. Hamdije Čemerlića 39a**  
**71000 Sarajevo**  
<http://www.voda.ba>

tel. +387 33 726 422;  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-352-4/23**  
Datum: **18.09.2023. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Gramat“ d.o.o. Gračanica za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa prostora kompleksa objekata namjene: eksploatacija i prerada mineralne sirovine na lokalitetu površinskog kopa-kamenoloma „Sklop“, lokalitet Malešići, općina Gračanica, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 49/99 i 61/22), donosi

#### **RJEŠENJE** **o vodnoj dozvoli**

1. Pravnom licu „Gramat“ d.o.o. Gračanica daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji proizvodno-administrativnog kompleksa objekata: površinskog kopa „Sklop“ (površine 13,2 ha), separacije mineralne sirovine, betonare (SB-500 Gradis-Slovenija, kapaciteta 15 m<sup>3</sup>/sat), interne benzinske pumpe i pratećih objekata izgrađenih u naselju Malešići, općina Gračanica.
2. Ova vodna dozvola se odnosi isključivo za aktivnost ispuštanja oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta na lokaciji kompleksa objekata definisanih tačkom 1. ovog Rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarno-fekalnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav (2) tačke 1. i 2. Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnositelj zahtjeva, izvršenog uviđaja na lokalitetu i pod sljedećim uslovima:
  - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
  - 3.2. Da se objekti čija je svrha odvođenje i prečišćavanje voda (separator ulja i masti, slivnici, rešetke, kanali, šahtovi, betonski trokomorni taložnik, betonski dvokomorni taložnik, zemljani taložnik, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
  - 3.3. U toku važenja ovog Rješenja, korisnik predmetnih objekata je obavezan poduzeti sve potrebne mjere kako bi kvalitet otpadnih voda, a prije ispuštanja u recipijent, zadovoljio granične vrijednosti u skladu sa Prilogom 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20 i 96/20).
  - 3.4. Da se redovno vrši monitoring prečišćene tehnološke vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/3, 26/14, 15/17, 23/17 i 41/20).

- 3.5. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u tabeli 1. Priloga 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.
- 3.6. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.7. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.8. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
- 3.9. U toku izvođenja radova kao i same eksploatacije iskopani materijal sirovine krečnjaka ne smije se ni privremeno odlagati na česticu «vodno dobro», odnosno u vodotok i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, pravno lice je dužno provoditi sve mjere i aktivnosti propisane istom.
6. Ukoliko radom predmetnog poslovnog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik prava iz ove vodne dozvole je dužan uzroke štete otkloniti, a nastale štete nadoknaditi.
7. Vlasnik odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članu 117. stav 1. Zakona o vodama se daje sa rokom važenja od pet godina od pravosnažnosti ovog rješenja.
11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Pravno lice „Gramat“ d.o.o. Gračanica obratilo se ovoj Agenciji sa zahtjevom za donošenje rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji prostora kompleksa objekata namjene: eksploatacija i prerada mineralne sirovine I proizvodnje betona na prostoru površinskog kopa-kamenoloma „Sklop“, lokalitet Malešići, općina Gračanica.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Rješenje o registraciji, broj:032-0-Reg-10-001136 od 30.08.2010. godine izdato od strane Općinskog suda u Tuzli – kopija,
- Rješenje o izmjenama podataka, broj:032-0-Reg-11-003095 od 09.02.2012. godine izdato od strane Općinskog suda u Tuzli – ovjerena kopija,
- Uvjerjenje o poreznoj registraciji od 27.01.2005. godine izdato od strane Kantonalnog poreznog ureda – ovjerena kopija,
- Uvjerjenje o registraciji obveznika poreza na dodanu vrijednost, broj: 04/5-1-II-17-1-1735-2540/05 os 11.11.2005. godine izdato od strane Uprave za indirektno-neizravno oporezivanje Banja Luka – ovjerena kopija,

- Rješenje, Up/I broj:09-18-1706/99 od 22.02.2000. godine izdato od strane Federalnog ministarstva energije, rudarstva i industrije – kopija,
- Rješenje o urbanističkoj saglasnosti, broj:UPI/03-23-2-347/10 od 11.10.2011. godine izdato od strane Federalnog ministarstva prostornog uređenja – kopija,
- Rješenje o vodnoj dozvoli, broj:UP-I/25-3-40-219-3/18 od 18.06.2018. godine izdato od strane Agencije za vodno područje rijeke Save, Sarajevo – ovjerena kopija,
- Rješenje o okolinskoj dozvoli, broj:UP-I 05/2-02-23-11-47/17 SN od 17.04.2017. godine izdato od strane Federalnog ministarstva okoliša i turizma - kopija,
- Rješenje, Up/i broj: 09-18-736/00 od 08.12.2000. godine izdato od strane Federalnog ministarstva energije, rudarstva i industrije – kopija,
- Rješenje, Up/i broj: 06-18-93/10 od 07.12.2011. godine izdato od strane Federalnog ministarstva energije, rudarstva i industrije – kopija,
- Odgovor na upit, broj: 05/2-19-5-103/22SN od 21.02.2022. godine izdat od strane Federalnog ministarstva okoliša i turizma - kopija,
- Ugovor br. 108-01/21 od 28.01.2021. godine sklopljen sa „Kemeko-BH“ d.o.o. Lukavac - kopija,
- Ugovor br. 107-01/21 od 28.01.2021. godine sklopljen sa „Kemeko-BH“ d.o.o. Lukavac - kopija,
- Ugovor, broj:45/15 od 06.03.2015. godine potpisan sa JP „Komus“ d.o.o. Gračanica – kopija,
- Ugovor, broj:312/14 od 14.11.2014. godine potpisan sa „Bonzo“ d.o.o. Gračanica – kopija,
- Ugovor, broj:180/18 od 13.06.2018. godine potpisan sa „Kemokop“ d.o.o. Tuzla – kopija,
- Ugovor o obnavljanju ugovora o koncesiji za eksploataciju kamena krečnjaka, broj: 104/22 od 27.09.2022. godine potpisan sa Ministarstvom privrede Tuzlanskog kantona – kopija,
- Izvještaj o monitoringu kvaliteta i kvantiteta otpadnih voda kamenoloma i betonare „Gramat“ Gračanica za 2022. godinu, januar 2023. godine urađen od strane „Inspekt RGH“ d.o.o. Sarajevo, broj:GI-01/23,
- Izvještaj o monitoringu kvaliteta i kvantiteta otpadnih voda kamenoloma i betonare „Gramat“ Gračanica, urađen od strane „Inspekt RGH“ d.o.o. Sarajevo, broj:1436/22, oktobar 2022. godine,
- Izvještaj o monitoringu kvaliteta i kvantiteta otpadnih voda kamenoloma i betonare „Gramat“ Gračanica, urađen od strane „Inspekt RGH“ d.o.o. Sarajevo, broj:710/23, april 2023. godine,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija:

- Projekat izvedenog stanja prikupljanja, odvodnje i tretmana otpadnih voda sa lokaliteta površinskog kopa-kamenoloma „Sklop“ u naselju Malešići, općina Gračanica urađen od strane TZI –Inženjering d.o.o. Sarajevo, juli 2023. godine,
  - Opći akt o održavanju, korištenju i osmatranju vodnog objekta i postupanju u slučaju kvara ili havarije, broj:238/16 od 08.03.2016. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je uviđaj na prostoru proizvodno-poslovnog kompleksa objekata i sadržaja pravnog lica „Gramat“ d.o.o. Gračanica i tom prilikom sačinjen Zapisnik o izvršenom uviđaju broj: UP-1/21-3-40-352-2/23 od 14.09.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Kamenolom i pogoni površinskog kopa-kamenoloma „Sklop“, lokalitet Malešići, općina Gračanica posluje u okviru firme „Gramat“ d.o.o. Gračanica. Ležište krečnjaka „Sklop“ nalazi se na teritoriji općine Gračanica, sjeverozapadno od grada, od kojeg je udaljen oko 5 kilometara.
- Ukupna površina osnovnog i proširenog eksploatacionog polja iznosi 13,2 ha u skladu je sa Rješenjima o odobrenju za eksploataciju mineralne sirovine izdatim od strane Federalnog ministarstva energije, rudarstva i industrije. Za eksploataciju mineralne sirovine pravno lice je potpisalo Ugovor o obnavljanju ugovora o koncesiji za eksploataciju kamena krečnjaka. Površinski kop-kamenolom „Sklop“ sastoji se od:

- radno-manipulativno eksploatacionog prostora (6 etaža), prostora na kojem je instalirano postrojenje za proizvodnju betona tip: SB-500 Gradis-Slovenija, kapaciteta 15 m<sup>3</sup>/sat, čvrstog objekta-hala u kojoj je smještena mašinska radionica, skladište ulja, masti, rezervnih dijelova, kupatila, čajne kuhinje i kancelarijskog prostora;

- uz hali je izgrađen (betoniran) radno-manipulativni plato sa betonskim kanalom na kojem se vrši zamjena ulja i masti, pranje i podmazivanje mehanizacije. Zauljene vode sa tog platoa se sistemom obodnog betonskog kanala odvođe do trokomornog betonskog taložnika, te prelivne vode se putem polietilenskih cijevi odvođe do betonskog šahta i u konačnici do separatora ulja i masti Q=6 l/s, proizvođača P.T.D. „AG-Metal“ d.o.o. Zenica. Nakon separatora, prečišćena voda se putem polietilenske cijevi  $\phi$  125 mm ispušta u potok Drijenča.

- u linijskom nastavku radno-manipulativnog prostora instalirana je cisterna za dizel gorivo-nadzemna, dvoplašna, natkrivena, zapremine V=13 000 l, oko koje izgrađena je betonska tankvana.

- u nizu, nizvodno na radno-manipulativnom prostoru instalirano je postrojenje za separaciju mineralne sirovine kamena krečnjaka, sa deponijama produkata separisanja različite kamene frakcije.

- zamuljene vode sa otkopnih i radno-manipulativnih površina se gravitaciono disponiraju u prirodni taložnik dimenzija cca 30x30m. Ovaj prirodni taložnik je nastao u početnoj fazi eksploatacije krečnjaka i isti služi za sakupljanje vode i iz dvokomornog taložnika dimenzija cca 3x3x2,30 m (kod betonare) tj. voda se iz dvokomornog taložnika putem cijevi  $\Phi$  300 odvođa do prirodnog taložnika-depresije. Izgrađen je sistem za odvođenje velikih voda iz prirodnog taložnika, na način da je na najvišoj koti ugrađena prelivna cijev za evakuaciju velikih voda ka potoku Drijenča.

-vode sa otkopnih etaža, radno-manipulativnih površina u prvom dijelu p.k. „Sklop“ se gravitaciono sa nivelacijom terena i padom prema depresiji, odvođe do prirodnog taložnika-depresije, dimenzija cca 40x30x12 m, cca 1/3 obuhvata kamenoloma.

➤ Servisiranje mehanizacije se vrši u natkrivenoj radionici, radno manipulativne površine su obrađene betonom, sa kanalima bez odvođa.

➤ Preuzimanje, skladištenje i zbrinjavanje opasnog otpada riješeno je putem ugovora sa firmom „Kemeko-BH“ d.o.o. Lukavac i „Kemokop“ d.o.o. Tuzla.

➤ Zbrinjavanje sanitarno fekalnih voda riješeno je njihovim prikupljanjem u septičkoj jami, a čije pražnjenje se vrši periodično od strane „Kemeko BH“ d.o.o. Lukavac.

➤ Stari metal, otpad i dr. se skladišti u natkrivenom prostoru čija je podna obloga betonirana. Staro rabljeno ulje i zauljene krpe se skladište u zatvorenom kontejneru koji je pod ključem. Po potrebi se angažuje firma „Bonzo“ d.o.o. Gračanica.

➤ Rezultati monitoringa tj. kvantitativnih i kvalitativnih karakteristika efluenta su urađeni od strane „Inspekt RGH“ Sarajevo i isti su ukazali da izmjereni parametri zadovoljavaju granične vrijednosti emisije otpadnih voda koje se ispuštaju u prirodne recipijente u skladu sa odredbama Uredbe.

U skladu sa zahtjevima iz Rješenja o vodnoj dozvoli broj:UP-1/25-3-40-219-3/18 od 18.06.2018. godine, tačke 3. istog urađena je projektna dokumentacija izvedenog stanja, nivoa glavnog projekta, za vanjsko uređenje, prikupljanje, tretman i odvodnju onečišćenih oborinskih voda sa radno-manipulativnih i eksploatacionih površina površinskog kopa, tehnoloških otpadnih voda koje nastaju pranjem mješalica i miksera za beton i prateće opreme, te voda sa servisnog platoa na kojem se vrši servisiranje mehanizacije. Projektna dokumentacija je urađena od strane TZI – Inženjering d.o.o. Sarajevo, juli 2023. godine.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Na osnovu provedenog postupka konstatuje se da je podnosilac zahtjeva „Gramat“ d.o.o. Gračanica ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode na lokaciji proizvodno-administrativnog kompleksa objekata: površinskog kopa „Sklop“ (površine 13,2 ha), separacije mineralne sirovine, betonare (SB-500 Gradis-Slovenija, kapaciteta 15 m<sup>3</sup>/sat), interne benzinske pumpe i pratećih objekata izgrađenih u naselju Malešići, općina Gračanica, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

**Uputa o pravnom lijeku:**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B. obrazloženja rješenja

Po ovlaštenju  
Rukovodilac sektora za izdavanje vodnih akata  
  
Haris Ališehović, dipl. inž. građ.

Dostaviti:

- Gramat<sup>®</sup> Gračanica  
Bosanskih kraljeva b.b., 75320 Gračanica, (kao u prilogu),
- AVP Sava, ISV – Vodna knjiga,
- Sektor 50,
- Ⓢ Sektor 40, arhiva,
- Oglasna ploča-AVP Sava